



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Baptismo Et Eivs Effectu. Titulus XLII.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

LIBER TERTIVS. 758

Mentiri Deo: ipsum fallere nō potes, c. panē, dist. 2. eo.
Non corpus, sed anima substantiam fulcit panis vitæ
æterna, c. non iste, dist. 2.

Credere in Christū, est panem & vinum manducare:
qui credit in eum, manducat eum, c. vt quod, dist. 2. eod.

Non natura nascitur, sed consecratione conficitur nobis
Corpus & Sanguis Christi, c. panis, dist. 2.

Sacrificium visibile inuisibile est sacramentum, id est,
sacrum signum. Sacramentum est inuisibilis gratia visibi-
lis forma, c. sacrificium, dist. 2.

Signum est res, præter speciem, quam ingerit sensi-
bus, aliud aliquid faciens ex se in cognitionem venire, c.
signum, dist. 2. de consecrat.

Vbi pars est corporis, est & totū. Eadē ratio est in cor-
pore Domini, quæ in manna, quod in eius figura præces-
sit, de quo dicitur: Qui plus collegerat non habuit ampli-
us, neq; qui minus parabat habuit minus. Nō enim quā-
ntitas visibilis in hoc æstimatur mysterio, sed virtus sacra-
menti spiritualis, c. vbi pars est, dist. 2. eod.

DE BAPTISMO ET EIVS

Effectu.

Titulus XLII.

Continuatio.

Baptismus, qui quasi ianua est, qua in Chri-
stianæ vitæ societatem ingredimur, conse-
cratione quoq; perficitur.

Quid Baptismus?

Baptismus definitur sacramentum, quo quis
recta animi intentione, & debita verborum for-
ma obseruata, alium non contraſcientē, aqua
elementari abluit, pro remissione peccatorum.

Bbb

2

Secd

Sed magis appositè, Baptismus definitur, sacramentum esse regenerationis, per aquam in verbo, iuxta illud Apostoli, Ephe. 5. Mundans eam lauacro aquæ in verbo. Et Iohannis 3. Nisi quis renatus fuerit, ex aqua, & Spiritu, non potest introire in regnum Dei. Natura enim ex Adam filij ire nascimur, per Baptismū verò in Christo filij misericordiæ renascimur. Siquidem dedit hominibus potestatem filios Dei fieri, ijs, qui credunt in nomine eius: qui non ex sanguinibus, neq; ex voluntate carnis, neq; ex voluntate viri, sed ex Deo nati sunt, Iohan. 1.

Quæ causa Efficiens?

Christi mandatum, & voluntas, iuxta illud Matth. 28. Euntes docete omnes gentes, baptizantes eos, in nomine Patris, & Filij, & Spiritus sancti, & huic promissioni, innititur. Qui credit, & baptizatus fuerit, is saluus erit, Marci. 16.

Quæ Materia?

Omne naturalis aquæ genus, siue ea maris, siue fluminis, siue paludis, siue putei, aut fontis, quæ sine vlla adiunctione aqua dici solet. Nam, ut Saluator docuit: Nisi quis renatus fuerit, ex aqua & Spiritu, non potest introire in regnum Dei. Et Apostolus inquit: Ecclesiã lauacro aquæ mundatã esse, & Diui Iohannis epistola scriptum legitur: Tres sunt, qui testimonia in terra dant, scilicet Spiritus, Aqua & Sanguis. Vnde in c. 1. dist. 4. de consecrat. dicitur: Renascitur homo ex aqua, visibili sacramento, & spiritu inuisibili, scilicet intellectu, ut Symbolum Baptismi visibiliter accipiat, & spiritualẽ intellectum ipsius Symboli percipiat: vel ex aqua visibili, & Spiritu sancto

sancto: Vt enim aquæ natura & vis inest eluendarum rerû corporaliû sordes: ita aqua Baptismi significat animi sordes in Baptismo purgari. nõ tãtùm verò purgatio hæc animi per aquã illã significatur, sed & re ipsa vereq; in Baptismo fit.

Quæ Forma?

Formam Baptismi ostendit Christus cùm Apostolis iussit, Vt in nomine Patris, & Filij, Spiritusq; sancti baptizarent credentes. Est autem hæc forma Baptismi perfecta & absoluta, qua actio ministri, & persona eius, qui baptizatur, exprimitur: vt, Ego te baptizo in nomine Patris, & Filij, & Spiritus sancti. Hoc enim est verbum, quod aquam significat, & ad abluendas etiã internas, animi sordes, efficacẽ reddit, Matth. 28. Si tamen minister ignorans Latinè loqui diceret: Baptizo te in nomine Patria, & Filia, & Spiritua sancta, si non animo introducendi errorẽ, vel hæresim, sed intentione baptizandi infringendo linguam, ita dixisset, baptizatus non est denuò baptizandus. Cùm talis error linguæ, Baptismi effectum nõ impediat, c. retulerunt, dist. 4. de consecrat, & c. si non sanctificatur, dist. 4. eod. Baptismus igitur formam suam ab Euangelio habet, c. penult. extr. eod. alia verò, quæ in Baptismo dicuntur, fuerunt instituta ab Ecclesia, c. propriè, de consecrat, dist. 4. & fuit Apostolis concessum baptizare, in nomine Christi tantum, propter nomen Christi ampliandum, d. c. propriè, & vide tex. in c. à quodam, de consecr. dist. 4. & ibi Arch. & glos.

Quæ causa Finalis?

Vt in hæredes Christi recipi, & æternæ felicitatis

ratis participes esse possimus. Hoc enim sacro-
 sancto Baptismatis fonte, quasi regenerationis
 lauacro mandati, & ab omni noxa liberati, per
 gratiam Dei, ad diuinam in omnem perpetua-
 tem cum beatis perfruendam hereditatem qua
 per casum Adæ indigni facti fueramus, rursus
 admittimur. Magnæ igitur necessitatis sacrame-
 tum est, Baptismus: sine quo aliàs Christianæ so-
 cietati & hereditibus Dei aggregari nõ possimus.
 Sicut enim in rebus externis, nulla huius rei
 commoda sentire potest homo, nondum natus,
 sic nec spiritualium bonorum participationem
 quisquam potest, nondum renatus, priusquam
 spiritalem vitam, suscepto regenerationis lau-
 cro, inchoauerit.

Qui Effectus?

1. Baptizatus, eo eripitur à regno & tyrannide
 diaboli, c. primùm, dist. 4. de consecrat.
2. Donatur remissione omniũ suorũ peccato-
 rũ c. maiores. ex. eo. & c. ex quo instituta, dist. 4. eo.
3. Donatur spiritu sancto, & vera innocenti-
 a, c. non potest, dist. 4. eod. & c. per aquam, eod.
4. Ad hoc Baptismus valet, vt dicitur in c. ad
 hoc, dist. 2. de consecra. vt baptizati Christo in-
 corporentur, & membra eius habeantur, conse-
 pelianturq; & oblato per sacramentũ charitatis
 fidelium reconcilietur Deo: vt in eo viuunt, salui, li-
 berati, redempti, illuminatiq; fiant, d. c. ad hoc. Ba-
 ptizati addicuntur cõsecraturq; Deo Patri & Fi-
 lio, & Spiritui sancto: huius deniq; sunt filij & q;
 heredes, d. c. maiores, ext. eo. 6. In Baptismo enim
 nis malorum fomes extinguitur: nõ vt nõ sint,
 sed vt nõ obsint, c. per Baptismũ, dist. 2. de consec.

Qua

Quæ Cignata?

Circuncisio, in cuius locum salutari Christi in-
stitutione Baptismus est successus, c. quod autè,
dist. 4. de cōsecrat. Diluuium, transitus maris ru-
bri, & aliæ ablutiones, de quibus tam in veteri,
quàm in nouo testamento legimus. Diluuium e-
nim, quo mundus purgatus est, quòd multa ma-
litia hominum esset in terra, & cūcta cogitatio
cordis intenta ad malum, huius aque figuram &
similitudinem gessisse, Apostolus in priori epi-
stola ostendit. 1. Pet. 3. Et maris rubri transitum
eiusdem aque sacrosanctæ significationem ha-
buisse, Diuus Paulus ad Corinthios exposuit, 1.
Corin. 10. Vt interim omittam tum Naaman
Syriæ ablutionem, tum probatice piscinæ admi-
rabilem vim, & alia id genus multa, in quibus hu-
ius mysterij symbolū inesse facile apparet. De
prædictionibus autè dubitare nemo potest, quin
aque illæ, ad quas tã liberaliter Isaias Propheta
oēs sitientes inuitat, vel quas è templo egreden-
tes Ezechiel in spiritu vidit, tū præterea fons il-
le, quem domui Dauid habitantibus Hierusalē
paratum in ablutionē peccatoris, & mēstruatæ,
Zacharias prænuntiavit, ad salutarem Baptismi
aquam indicandam, & exprimendā pertineant.

Quæ Adiacemia?

Examinationes, promissiones, renuntiatio-
nes, ritus & cæremoniæ, de quibus habetur in c.
baptizandi, c. postea, c. deinde, c. sacerdotes, c. si
quis, c. post Baptismum, dist. 4. eod. susceptio, fi-
des suscipientis, & baptizandi, si sit adultus, alio-
quin offerentiū fides sufficit, quæ paruulos fide-
les reddit, ij enim per verba gestantiū quodam-

modò fidem confitentur, & diabolo mundoque renuntiant. Et hoc fieri dicitur vi sacramenti & diuinæ gratiæ, quam Deus Ecclesiæ concessit, c. paruuli, distinct. 4. de consecrat. c. mater, eod. c. in ecclesia, eod. & c. illud perscrutari, dist. 4. Imò paruulus baptizatus fidem habere dicitur, propter fidei Sacramentum: etenim ita fideles vocantur, non rem ipsam, mente abnuendo, sed ipsius rei sacramentum percipiendo, c. nihil est aliud, dist. 4. de consecrat.

Quæ Pugnania?

Infidelitas baptizantis & baptizandi adhibet non enim tam ablutione corporis, quam fide cordis Baptisma constat, c. verus, dist. 4. Similitudo ficta. Vnde qui ficto corde baptizantur, aut peccata nullatenus dimittuntur; quia spiritus disciplinæ effugiet fictum; aut in ipso temporis puncto per vim sacramenti dimissa iterum per fictionem replicantur, c. quomodo, & c. tunc ualere, dist. 4. eod. Baptismi reiteratio. reiteratio enim baptisma non debet, cuius formam constat integrè collatam, c. hi de quibus, c. ostenditur, c. si qui apud, dist. 4. Nota tamen, quòd etsi ab hæretico vel pagano Baptismus fit collatus, animo baptizandi, reiteratio non concedatur: idem est, si minister sit in mortali peccato cõstitutus, vel peruersis moribus præditus. Sicut enim Sol transiens per sordida loca non contaminatur, ita nec sacramenta administrata per malos non possunt vitiari. Nō enim tam ministri rectè administrare volentis officiū, quàm spiritus Dei subministrantis gratiam diuinam attendimus, c. Romanus, c. si inter bonos, distinct. 4. eod. de

vt dicitur in c. baptisimus, ead. dist. Non merita ministrorum, sed virtus Christi in Baptismate, alijsq; sacramentis operatur.

AXIOMATA ET SENTENTIAE.

*Necessarium est visibile Sacramentum aquae, ad ab-
lutionem visibilis corporis: sicut necessaria est doctrina
invisibilis fidei ad sanctificationem invisibilis animae, c.
dist. 4. de consecrat.*

*Finis legis Christus est ad iustitiam omni credenti, c.
si quis, distinct. 4. de consecrat.*

*Sicut per bonum, ita per malum ministrum, aequè Ba-
ptisma ministratur, c. si inter bonos, dist. 4.*

*Non merita ministrorum, sed virtus Christi in Ba-
ptismate operatur, c. Baptisimus, dist. 4. eod.*

*Verba erroris per imperitiam prolata, non impedi-
unt aquae sanctificationem, c. si non, dist. 4.*

*Qui in Baptismo paruulos suscipiunt, pro eis apud
Deum fidei iussores existunt, c. vos ante, dist. 4.*

*Qui in maternis sunt vteris, idè cum matre bap-
tizari non possunt: quia qui natus adhuc secundum Adā
non est, secundum Christum regenerari non potest, c. qui
in maternis, dist. 4.*

*Tanta est baptisimi virtus in sancta compage corpo-
ri Christi, vt semel regeneratus per aliorum voluntatē
deinceps non possit vinculo alienae iniquitatis obstringi;
cū nulla sua voluntate consensit, c. queris à me, dist. 4.*

Anima patris, est anima filij, d. c. queris, eod.

*Peccato alterius sine sua conscientia nemo tenetur,
d. c. queris, eod.*

*Gratia non tantum peccata dimittit, sed magis
gem implere facit c. gratia, distinct. 4.*

*Non tam ablutione corporis, quam fidei in ba-
ptisma constat, c. verus, dist. 4.*

DE PRESBYTERO NON BA-
ptizato, Et: An Ordinatio presbyteri non
baptizati subsistat?

Titulus XLIII.

Continuatio.

CUM non, nisi per meritum Christi, & ba-
ptismum, iuncta fide in Christum, Chri-
stianorum nomē adipiscamur: patet presby-
terum ante baptismum ordinari nō posse.
de facto ordinetur, tamen ordinis character
non recipere, c. 1. &, c. veniens, extr. eod. Et
nim Baptismus fundamentum Christianita-
tis, quo deficiente, nullius Ordinis cha-
racter imprimi potest: item est, si Baptismus
cesserit: sed in eo forma non fuerit servata
dubium fit: an baptizatus sit, vel forma in-
servata? Et sic de iure vel facto Baptismi igno-
ratur. Potest enim hoc casu Baptismus ante ordi-
nem conferri, nec ob id Baptismi iterum
conferri dicitur. Quia non videtur iterum
conferri, quod ambigitur esse factum,
c. fin. §. fin. ex. eo. &, §.
verum, 32. quest. 6.